

Jém wiñtipic carta jém ijayñewiip Peto

Jém Peto ijáyáy jém Dios ipixiñtam jém nicnewiip juumi

¹ Ich aPeto. Acupiņne jém Jesucristo iga atsiy juuts tum apóstol. Siip manjáyáypa mimichtam mi-Israelpic mipixiñtam, micupóyaytaņwip hasta jém tungac naxyucmi jém Ponto, Galacia, Capadocia, Asia y Bitinia.

² Micupiņneta jém tanJatun Dios. Tsam wiñigam ijodon Dios iga michiytampa juuts jém imanictam. Dios iAnama micujicháyayta jém iñanama iga wiap inwatta juuts ixunpa jém Jesucristo. Micupiņneta iga miwitsagayta jém iñánca con jém Cristo iñipiñ. Siip aņwágáypa Dios iga miwiwadaytamiñ y iga odoy iniittamiñ jém cobacpiji.

Tananjóctampa jém tiempo iga Dios tawiwadaytampa

³ Tançujiptampa tanJatun Dios jém tánomi Jesucristo iJatun. Dios tacnayxetta eybic porque tsam tayaachanjanta. Jeeyucmi iganam taifta yip naxyucmi, tananjóctampa jém tiempo cuando nicpa taifti con Dios. Tanjodon iga numa porque pis jém Jesucristo de jut it jém caaneyajwip.

4 Dios taccáyayñe tum wibic herencia sinyucmi. Da i wiap imiswat. Tum wibic cosa cuáyñe, da togoypa, dapic jex juuts tum moya iga xichpa.

5 Mimichtam incupictámpa iga Dios wiap miyoxpáta, jeeyucmi miwattámpa cuenta con jém ipimi iga da ti iññascaaba hasta núcpa jém tiempo cuando taciaputtámpa. Siip witsacneum itumpiy cosa. Jesic cuando núcpa jém inanpigam jama, quejpa ti tawadaytámpa Dios.

6 Jeeyucmi wi iga mimaymáyatámiñ mex iga siip watciy mipoyyaachwattamtap, micutitstamtap.

7 Cutitstap jém oro con jucti siiga nunta oro. Jesanetim mimichtam siiga iñyaachiytámpa cuando miyaachwattamtap, jesic quejpa iga numa incupictámpa Dios. Siiga iñyaachiytámpa, pero da iñchacpa jém Dios inmati, jesic cuando miñgacpa Jesucristo, miwipictsontámpa Dios, tsam micujiptámpa.

8 Mimichtam tsam iñtoytámpa jém Jesucristo mex da iñixñeta. Da wiap iñixta, pero injodontam iga je wiap miyoxpáta. Jesic tsam mimaymáyata con jém wibic maymájaji juuts jém itwip sinyucmi, jém dapic wiap tanañmat con yip naxyucmipic anmati.

9 Mimichtam incupicneta jém Cristo, jeeyucmi Dios miciaaputneta.

10 Jém wiñicpic anmatcwiñ nimyaj iga Dios tsam itoypa jém pixiñtam, núcpa jama iga iciaaputpa. Pero como da iwicutiyiyaj, tsam icipinjaj jeetim inmati jém ijayñeyajwip iga ijodónayajiñ ti nimtooba.

11 Jém Dios iAnama, jém tachiñewiip jém Cristo, icjodóna jém wiñicpic aḡmatciwiñ iga tsam yaachwattap jém Cristo yíp naxyucmi. Ocmi acpistap, nanictap siḡyucmi. Jeetim aḡmatciwiñ tsam icipinyaj jém inḡmati iga ijodónayajiñ i iñascaaba jempic y juchis naspa jexpic cosa.

12 Dios inquejáy jém wiñicpic aḡmatciwiñ iga jém inḡmati da para jeeyaj, pero para taichtam. Siip mimichtam impictsonḡta jeetim aḡmati cuando oy miḡmadayta jém inḡmatyajpáppic jém wibic aḡmati con jém Dios iAnama ipimi, jém cutsatnetawiiip yíp naxyucmi. Hasta jém siḡyucmicpic pixiñtam ijodónatooba ti nimtooba jém aḡmati.

Dios ixunpa iga tanwawattámiñ yíp naxyucmi

13 Jistaami jutsap inwawatta juuts ixunpa Dios. Naittaami jém wibic jixi iñanamanjom. Odoy tsaci iga ininjóctámpa jém wibic cosa jém tajycámayñewiip Dios iga tachiiba porque tsam tatoypa. Tampictsonpa cuando miñgacpa yíp naxyucmi jém tánomi Jesucristo.

14 Siip wattaami juuts jém wibic tsixtam, jém icupicyajpaap jém iḡatun. Tsactaami iga immalwattámpa juuts jáy inwatta wiñic cuando danam iñixpicneta Dios.

15 Titam inwattámpa, wawattaami juuts tum wibic pixiñ juuts ixunpa Dios. Porque da táncaiy ni uxaj jém tanḡatun Dios jém tacupinewiip.

16 Porque nimpa así jém Dios inḡmati: “Tsaci itumpiy jém iñtánca iga cuáyiñ jém iñanama porque ich da atáncaiy ni uxaj.”

17 Siiga n_uma Dios iñ_hatun, jesic c_iñtaami iga immalwattámpa iganam miitta y_ip naxyucmi. Porque Dios ic_ipiñpa parejo itumpiy jém pixiñtam titam iwatyaj.

18 Michtam iñ_hodon iga Dios taciaputta iga da más tanwatpa jém malopic cosa y_ip naxyucmi, jém dapic para ti w_i, juuts iwatyaj jém tanjatunwewetam. Iñ_hodon_tim iga da tayo_jáy tantáñca con jém oro ni jém plata jém cuyajpáppic,

19 pero tayo_jáy tantáñca con jém Cristo iñ_hipiñ jém tsampic w_i. Jém Cristo juuts tum cordero jém dapic ini_i ni tum mancha ni dapic misane.

20 Wiñgam cuando danam iwatne y_ip nas, Dios ijodon iga jempigam iyo_jáypa jém pixiñtam itáñca. Jesic ocmi cuando núctooba jém iñ_hanpigam j_ama, wiñquej jém Cristo iga tayo_xpáttámpa.

21 Tachiita jém j_ixi iga tan_cupictámiñ Dios jém ic_ipisnew_ip jém Cristo, ocmi inin_ic jém Dios in_wi_mi. Jesic tan_cupicpa iga Dios icutum w_iap tayo_xpát. Tananjóctámpa jém tiempo cuando nicpa ta_iti con Dios.

22 Siip mimichtam w_iap iññuntatoyta jém iñ_twitam porque cuáyñeum iñ_anama. Cuando moj in_cupic jém numapic an_químayooyi, jesic Dios i_anama miccáyáy iñ_anaman_jom jém naja y jém jooya. Jesic natoytam_taji con jém iñ_twitam con itumpiy iñ_anama y itumpiy imp_imi.

23 Miñayx_etnetámum porque in_cupicneta jém Dios in_mati jém dapic cuyajpa. Y_ip jomipic vida, jém dapic cuyajpa, da jex juuts y_ip naxyucmipic vida, jém cuyajpáppic, jém michiiñew_ip jém

iñjatun.

²⁴ Nimpa jém Dios in̄māti:

Jém p̄ixiñtam jém ityajw̄ip̄ ȳip̄ naxyucmi jex juuts
jém p̄im̄ jém itw̄ip̄ copjom.

Jém p̄ixiñtam ip̄imi jex juuts jém p̄im̄ imoya.

T̄itspa jém p̄im̄, túcpa jém imoya.

²⁵ Pero Dios in̄māti da nunca cuyajpa.

Ȳip̄ ān̄māti jeetim jém miñmadayñetāw̄ip̄
mimichtam iga Dios taciaputtámpa.

2

¹ Jesic tsactaami itump̄iy jém malopic̄ j̄ixi. Odoy
migooyi, odoy níman̄taayaji iga in̄w̄iwatpa, odoy
cunaíyooyi, odoy cujíyooyi.

² Mijex juuts tum̄ xutu ts̄ixi jém yaguiñpic̄ nay,
tsam̄ tsútstooba. Jesanetim̄ mimichtam̄ yaguiñ
in̄cupicneta Dios, jesic̄ métsaami jém w̄ibic̄ ān̄māti,
jém dap̄ic̄ motnē īiti con jém migooyi. Jém ān̄māti
tsam̄ tayoxpátpa iga más y más w̄iap̄ tañwatta ju-
uts ixunpa Dios hasta núcpa jém j̄ama cuando
taciaputtámpa Dios.

³ Mimichtam̄ in̄jodon̄tam̄ iga Dios tsam̄ tatoypa.

Jém Cristo je jém w̄ibic̄ tsa

⁴ Sīp̄ cunúctaami jém tán̄omi Cristo. Je juuts
tum̄ w̄ibic̄ tsa jém tachiipáppic̄ vida. Jém p̄ixiñtam̄
ipatsayaj̄ jém tsa, pero Dios̄ icupin̄ para je porque
iix̄ iga agui w̄i.

⁵ Mimichtam̄ mijex juuts jém tsaayaj̄ para jém
tic̄ in̄taana, pero iniitta vida. Jesic̄ jíctaami iga
Dios̄ mipictámpa iga iwatpa tum̄ im̄astic̄ jūt̄ itpa

jém Dios iAnama. J#ci iga miccámpa Dios juuts tum mipanij iga incuyoxatámpa Dios. Jesic Dios iwianjam iga inwatpa jempic porque Cristo mimichitam.

⁶ Nimpa así jém Dios inmati jut jaychacne:

Ich antsac tum tsa jém naxyucmi Israel jut mojpa anacten jém antic.

Agui wibic tsa, ich mismo ancupi#ne.

Jém icupicnewip yip wibic tsa, da i wiap ichaawat.

⁷ Siiga incupictámpa, jesic in#odontam iga tsam wibic tsa. Pero jém dapic icupicpa, in#ascaaba juuts nimpa jém Dios inmati jut jaychacneta:

Jém iwatyajpáppic jém tic ipatsayyaj jém tsa.

Pero ocmi jeetim tsa pin#ta.

Siip jeetim tsa icóppacne jém tic.

⁸ Nimitim jém Dios inmati:

Jém pixiñtam in#epyajpa ipuy yip tsaayucmi.

Yiptim tsa ipaccaaba jém pixiñtam.

In#epa ipuy jém pixiñtam porque da iwada# caso jém wibic an#ati. Dende wiñigam Dios nim iga togoyyajpa jém dapic icupicyajpa jém wibic an#ati.

Jém Dios ipixiñtam jém imichipic

⁹ Mimichtam micupi#neta Dios iga mimichata. Miccám#ta juuts mipanijtam iga incuyoxatámpa jém anjagooyi Cristo. Michiytámpa juuts tum wibic mipixiñtam dapic tan#aiy. Mimichtam jém Dios mimichitam. Micupin#tam#ta iga in#wattamiñ itumpiy jém wibic cosa jém iwatnewip Dios. Mitopta jém piichc#m, mininictam#ta jém juctian#tsocajom.

10 Mimichtam wiñic da je Dios mipixiñtam, pero siip Diosam mipixiñtam. Wiñic da i miyaachanjampa, pero siip Dios miyaachanjamtampa.

Taitta yíp naxyucmi iga tañcuyoxatamiñ Dios

11 Mantiwitam mantoytampáppic, mimichtam mijextam juuts jém pixiñtam jém nicpáppic juumi porque danam miñúcne jém iñticmi siñyucmi. Siip mañcunucsáypa iga odoy jüici iga jém malopic jixi micmalwatpa. Porque jém malopic jixi tsam iníñapa jém iñanama.

12 Iganam miitta jém tungac pixiñtamanjom, jém dapic iixpicyajpa Dios, wíwattaami. Jesic siiga miñímáypa iga mich micriminal, núcpa jama iga iixyajpa iga numa inwíwatne y da ti mal inwatneta. Jesic jém tungac pixiñtam tsam icujípyajpa Dios cuando núcpa jém jama iga icipinpa jém pixiñtam.

13 Siempre cupictaami jém anjagooyiyaj, jém iccámneyajwiip jém pixiñtam, porque jempam ixunpa jém tánomi Cristo. Tañcupictámpa jém más mijpic anjagooyi, jém rey, porque je iniit jém más mijpic cargo.

14 Tañcupictámpatim jém gobernador jém iccámnewiip jém rey. Porque accámta jém gobernador iga ichiñ castigo jém imalwatyajpaap y iga cujíptaiñ jém iwíwatyajpaap.

15 Dios ixunpa iga incupictámpa jém anjagooyiyaj porque jempam ininjijacpa jém malopic pixiñtam, jém dapic jixiíy, jém mimalnímaypaap.

16 Siip da más michíyta juuts tum preso porque Dios micíacputnetámum. Micutsigayñetawum iga inwíwattámiñ. Jesic odoy jisí iga wí iga immalwattámpa juuts mich inxunpa. Siip cuyoxataami Dios juuts tum nunta esclavo.

17 Wixtaami itumpiy jém pixiñtam, odoy jóyixtaami. Natoytamtaji con tantiwítam jém icupicneyajwíp Cristo. Cíñtaami Dios. Wixtaami jém rey.

Tanyaachíypa cuando tayaachwattap juuts iwat jém Cristo

18 Miesclavotam, wixtaami jém inñomi. Siempre wattaami titam miñimáypa. Da no más inçupicpa jém wibic pixiñ jém tsampic mitoypa, pero cupictaamítim siiga malo jém inñomi siiga tsam mipimíypa.

19 Siiga chiitap castigo tum pixiñ cuando da ti iwatne y siiga iyaachíypa porque ijodon iga iixpa Dios, jesic wixtáp jém pixiñ.

20 ¿Pero tiiga tançujíppa tum pixiñ siiga iyaachíypa cuando chiitap castigo iga imalwatne? Pero siiga michiitap castigo cuando inwíwatne y siiga inyaachíypa, jesic numa miwixpa Dios.

21 Dios tacupíñta iga tanwíwattámpa y tannascaaba jém yaachaji porque jém tánomi Jesucristo tsam pími yaachwattá taichtam tançuyucmi. Tatsagayta tum ejemplo iga tantúníypa jém Cristo y tanwattámpatim juuts je.

22 Je da iwat ni tum tánca. Da i imigóyáy.

²³ Cuando tsam malnámayta jém tánomi Cristo, da icutson, da imalnímáy jém ienemigoyaj. Cuando tsam pimi yaachwatta, da icumec jém ienemigoyaj. Pero je ichagáy iga ichiiñ Dios castigo porque ijodon iga icipinpa parejo.

²⁴ Jém Cristo iyaac nachiita iga accaata cunusyucmi iga tajojáy tantanca. Tapictsonáy taichtam tan castigo imijtayyucmi iga tactsactamiñ jém tantanca, iga seguido tan wíwattamiñ yíp naxyucmi juuts ixunpa Dios. Accoowata jém Cristo iga mimichtam mipistamiñ.

²⁵ Mimichtam mijextim idic juuts jém borregoyaj jém togoyñewip. Pero siip mixettámum jém wibic pastorcim jut it jém tawadaypápic cuenta jém tanaama.

3

Anquímyajtap jém ancoomíyyajwip

¹ Jesanetim miyomtam mijaayiywip. Siempre wattaami juuts miñimáypa jém inwídaya. Jesic si- iga algunos da icupictooba jém Dios inmati cuando iniñmadáypa, jesic núcpa jama iga icupicpatim Cristo

² cuando iix jém iyomo iga agui iwíwatpa porque icinpa Dios y iwíixpatim jém iwídaya.

³ Odoy cusúniyi jém wibic cuyajcuy, jém wibic puctucu y jém cosa de oro. Odoy meetsi jutpic inwítsacpa jém inway iga micusúniyiñ jém pixiñtam.

⁴ Pero wí iga miixtap porque wibic miyomo y wibic jixi iniñt íñanamanjom. Jém wibic jixi da togoypa juuts jém cuyajcuy. Siiga da mimalo y da

michoti, jesic Dios más iwianjam que jém cuyajcuy de oro.

⁵ Jesanetim wiñigam jém wibic yomtam, jém icupicneyajwip Dios, iniityajtim jém wibic jixi ianamanjom. Seguido iwatyajpatim juuts iñimáypa jém iwidaya.

⁶ Jempictim iwat jém Sara. Icupictim jém iwidaya jém Abraham. Iñimáy jém Abraham iga: Mánomi. Siip mimichtam michíytámpa juuts jém Sara iyommanictam siiga seguido inwíwattámpa y da ti inçinjámpa.

⁷ Jesanetim mipixiñtam miyoomiywip, winaiti jém iñyomo juuts tum pxiñ jixiywip. Widadaji jém iñyomo. Jistaami iga jém yomtam da jex ipimi juuts tum pxiñ. Jistaamitim iga inçustictam inwagapictsonjámpa titam tajycámayñe Dios, jém vida jém dapic cuyajpa. Porque siiga da inwíwadáypa jém iñyomo, jesic da wiap iniñwejpáta Dios.

Yaachwattá jém Cristo iga iyoxpátpa jém táñcaiywip

⁸ Siip mannímaytámpa iñtumpiytam. Naittaami tumti jixi con jém tantíwítam, natoytamtaji juuts miñuntatíwítam. Yaachanjamtaami jém yaachayajpáppic. Odoy nacujíptaji iñyaac.

⁹ Siiga i mimalwadáypa o mimalnámáypa, odoy cianseedaayi. Más wí iga tanwíwadáyíñ jém tamalwadaypáppic porque cuando Dios tacupin, tajycámáy iga tawíwadáypa.

¹⁰ Niñpa así jém Dios inmafi:

Siiga inwattooba jém wibic cosa yíp naxyucmi,

siiga iñxunpa iga miw_iidiñ,
jesic tsaci iga immaln_imáypa jém iñt_iwitam.
Odoy mi_gooyi.

¹¹ Tsaci iga immalwatpa, siempre wat_i jém wibic
cosa.

Meetsi con itumpiy iñanama jutsap in_winanigáy
jém iñt_iwitam.

¹² Porque Dios siempre iixpa jém iw_watyajpaap.
Iwatpa cuenta.

Imatonpa Dios cuando in_wejpátyajpa.

Pero ijóyixpa jém imalwatyajpaap.

¹³ ¿I mimalwadáypa siiga in_wwatpa con itumpiy
iñanama?

¹⁴ Pero siiga miyaachwattap porque in_wwatpa
juuts ixunpa Cristo, jesic maymáyaj_i porque Dios
miw_wwadáypa. Odoy c_in_i jém micumecpaap. Odoy
wadaayi caso.

¹⁵ Siempre jistaami iñanamanjom iga jém
Jesucristo je tán_omi. Ittaami listo iga in_cutsonpa
cuando i micwácpa tiiga iñjodon iga Dios
miw_ipictsonpa. Pero w_ix_i, chocoy_mi an_madaayi.
Jistaami iga Dios taixtámpa.

¹⁶ Siempre w_iwat_i iga da iñj_ispa iga mitáncaíy
iñanamanjom. Jesic siiga i mimaln_imáypa, tsam
tsaayajpa cuando ixtap iga siempre in_wwatpa
juuts minquejayñe jém tán_omi Cristo.

¹⁷ Siiga Dios ixunpa iga miyaachwattap cuando
in_wwatpa, jesic it w_i. Pero da w_i siiga miyaach-
wattap porque immalwatne.

¹⁸ Tsam p_imi yaachwatt_a jém tán_omi Cristo. Ac-
caat_a iga tayojoyta tantánca t_un_ciy para siempre.
Accaat_a jém wibic p_ix_iñ iga iyojáy itumpiy jém

malopíc p̄ixiñtam itánca iga tananictamtaiñ Dios iwiñjom. Accaata jém Cristo imijtay, ocmi pís, eybíc ipictsoj ianama.

¹⁹ Cuando ca jém imijtay, oy inmadáy jém wibíc anmati jém caaneyajwip jut pajneyajta.

²⁰ Anmadayyajta jém p̄ixiñtam ianamayaj, jém dapíc icupicyaj wiñgam cuando jém Noé iwat jém mijpíc barco. Jeetim tiempo cuando Dios tsam iyaachíy iganam injóctip iga ichacyajiñ jém p̄ixiñtam iga imalwatyajpa. Pero da wati c̄iputyaj solamente ocho jém p̄ixiñtam y yomtam. Cuando miñ jém mijpíc n̄icoma, c̄iputyaj jém n̄iwiñpacyucmi.

²¹ Jesanetim siip jém ni tayoxpátpa iga taciacputtamiñ cuando tacchintamta n̄icim. Da tacchintamta iga cuáyíñ tannaca. Pero cuando tacchintamta, tanwágáypa Dios iga tawitsagáyiñ tantánca. Tanjodon iga w̄iap tawadáy Dios porque icp̄is jém tánomi Jesucristo.

²² Siip nicne siñyucmi jém tanjatun Dios inwimi jut accámta iga jém más mijpíc anjagooyi iga injaguiñ itumpiy jém siñyucmipic p̄ixiñtam y itumpiy jém anjagooyiyaj, jém ityajwip jutquej.

4

Tañcuyoxap Dios con jeetim p̄imi jém tachiñewip

¹ Tsam yaachwattá jém tánomi Cristo cuando oy iti yíp naxyucmi. Jesic mimichtam naittaamitim jeetim j̄ixi juuts jém tánomi Cristo. J̄ictaami iga miyaachwattamtap, jesic quejpa iga iñchacneum jém iñtánca.

2 Siiga jempam tanwattámpa, quejpa iga tasiitámpa yíp naxyucmi juuts tum p̄ixiñ dapic icupicpa jém malopic j̄ixi, pero tanwattámpa jém w̄itampic cosa juuts iw̄ianjam Dios.

3 Siip cusum inwatta juuts iw̄ianjamyaj jém tungac p̄ixiñtam, jém dapic icupicyajpa Dios. Tsam p̄imi immalwatne idic. Tsam in̄cusúniypa idic jém malopic yomtam y jém tungac malopic cosa. Tsam idic miucpa, tsam mixiñap. Tsam miuquiap con jém ucyajpáppic p̄ixiñtam. Tsam in̄j̄ispa idic jém watnas jém ijóyixpáppic Dios.

4 Siip jeetim p̄ixiñtam jém íñamigoyaj idic, agui mipooñanjamyajpa porque da eybic inwattámpa itumpiy jém malopic cosa juuts inwatneta idic. Jeeyucmi tsam mimaln̄imayyajpa.

5 Pero núcpa jama iga nanicyajtap jém Dios iwiñjom iga quejiñ jém itánca jut c̄ipinyajtap itumpiy jém malopic p̄ixiñtam jém ityajw̄ip vivo y jém caaneyajw̄ip.

6 Jeeyucmi anmadayyajatim jém w̄ibic anmati jém p̄ixiñtam jém caaneyajw̄ip cuando vivoyaj. C̄ipinyajtap jeeyaj juuts itumpiy jém p̄ixiñtam jém ityajw̄ip yíp naxyucmi, pero Dios iciacputpa iga nicpa itiyaj íanamayaj jut it Dios.

7 Siip núctooba jém ínanpic jama cuando cuyajpa itumpiy cosa. W̄i iga mij̄ixīytámiñ, ittaami al tanto, anwejpátaami Dios.

8 Pero más ixunpa Dios iga tanatoytamtañ con jém tant̄iw̄itam. Porque siiga numa tantoypa jém tant̄iw̄i, w̄iap tanwadáy perdón jáyan jém itánca.

9 W̄ipictson̄taami jém tant̄iw̄itam, jém

miññeyajwiip juumi. Acwíctaami, chiitaami lugar jut monpa. Odoy cujiytaami.

¹⁰ Cada tumtum de mimichtam michiiñeta Dios tum pimi iga wiañ inwatta jém Dios iyoxacuy. Jesic con jeetim pimi cuyoxataami jém iñtíwítam juuts tum wibic miyoxaciwiñ porque cada tumtum tachiitamtá tungac jém yoxacuy.

¹¹ Jesic siiga wiaip iniñmat jém Dios inmati, anmati juuts tum jém Dios inmatciwiñ. Siiga inycuyoxap jém tantíwítam, wíwadaayi con itumpiy impimi, jém michiiñewiip Dios. Siiga jempic tanwattámpa, jesic tsam cujíptap jém tanjatun Dios porque tancupictámpa jém tánomi Jesucristo. Wi iga tancujíptamiñ jém tanjatun Dios para itumpiy tiempo porque je iniit itumpiy ipimi. Amén.

Jém Dios ipixiñtam wiaip iyaachiyaj jém yaachaji

¹² Mantíwítam mantoytampáppic, odoy ámanjactaami cuando iññascatámpa jém mijpic yaachaji iga micutítstamtap. Odoy jisi iga jém Dios ipixiñtam da iñascayajpa jém yaachaji.

¹³ Pero maymáyataami cuando iññascatámpatim jém yaachaji juuts iñscane jém tánomi Jesús. Porque núcpa jama cuando tsam pimi mimaymáyatámpa cuando miñgacpa yíp naxyucmi jém tánomi Jesucristo con itumpiy ipimi.

¹⁴ Siiga tsam mimalnímaytap jém tánomi Jesucristo icuyucmi, jesic maymáyataami porque iniit jém Dios iAnama iñanamanjom jém tachiipáppic jém Dios ipimi.

15 Pero da w_i siiga miyaachwattamtap porque iga miccaóypa, miñúmpa, immalwatpa o iga mitigiytigiy cúmpa jém tungac p_ix_iñ iasunto.

16 Pero siiga algunos de mimichtam miyaachwattamtap iga micristiano, jesic odoy tsaaj_i, mas tanjúj_iptámpa Dios porque tanait jém Cristo iñ_iy_i.

17 Núcneum jém tiempo iga mojp_a ic_ip_in_i Dios jém ip_ix_iñtam jém im_ich_ip_ic. Siiga tac_ip_intámpa taichtam, jém Dios tam_ich_itam, ¿jesic ti iñascayajpa jém malop_ic p_ix_iñtam jém dap_ic icup_icyajpa jém Dios in_mati?

18 N_impa jém Dios in_mati:

Tsam tánca iga ciacputyajtap jém w_ib_ic p_ix_iñtam. Jesic jém malop_ic p_ix_iñtam jém dap_ic icup_icpa Dios tienes que ip_ictsonyajpa jém mij_pi_c castigo jém dap_ic cuyajpa.

19 Jeeyucm_i mannímáypa siiga miyaachwattamtap porque jempam iw_ianj_am Dios, jesic seguido w_iwattaami, cup_ictaami iga Dios w_iap mic_iacputta. Tanj_odon_i iga jém tan_jatun_i Dios, jém iw_iatnew_ip it_ump_iy cosa, siempre iccupacpa juuts taj_iycámayñe.

5

Anquím_yajtap jém icup_icneyajw_ip Cristo

1 Jesic miw_idaytam, jém ininjactampápp_ic jém Dios ip_ix_iñtam, s_ip mananquímpa. Ich anaítim jexp_ictim cargo juuts mimichtam. Ich ánixñe cuando tsam yaachwatt_a jém tán_omi Jesucristo. Ich ananjócpatim jém tiempo cuando wiñquejpa eyb_ic jém tán_omi Cristo con it_ump_iy ip_imi.

2 Wattaami cuenta jém Dios ipixiñtam jém an̄tuumayajpáppic jut miifta, jex juuts tum wibic pastor iwatpa cuenta jém iborregoyaj. Wattaami jém Dios iyoxacuy porque in̄wianjamta, juuts ixunpa Dios, da porque mip̄m̄iytamtap, ni porque in̄coñwiytamtooba tumiñ. Wattaami jém in̄yoxacuy con itumpiy in̄anama.

3 Odoy p̄m̄iyi jém impixiñtam juuts tum malopic anjagooyi. Pero w̄iwattaami mimichtam iga miixyajiñ jém impixiñtam iga in̄w̄iwatpa.

4 Jesic cuando wiñquejpa jém Cobacpic Pastor, jém tánomi Jesucristo, michiitamtap jém wibic corona jém dapic cuyajpa. Miwagaittampa jém wibic juctian̄tsocajom.

5 Jesanetim mimichtam jém dapicnam michamitam, wattaami juuts nimpa jém w̄idaytam jém ininjagooyiyaj. Jistaami in̄tumpiytam jutsap in̄w̄iwadáy jém in̄tiwitam. Odoy j̄isi iga más miw̄iap que jeeyaj. Porque nimpa jém Dios in̄mat̄i:

Dios da iw̄ipictson̄pa jém p̄ixiñtam jém tsampic nacuj̄iptap iyaac,
pero tsam iyoxpátpa jém p̄ixiñtam jém dapic nacuj̄iptap iyaac.

6 Jesic costeeñaayi jém Dios ipuyc̄im. J̄ici iga min̄jacpa jém tan̄Jatun̄ Dios porque núcpa jama iga miw̄iwadáypa.

7 Odoy iniidiñ jém cobacp̄iji. Odoy j̄isi ti in̄ñascaaba. C̄ijun̄codaayi itumpiy jém imvida jém tan̄Jatun̄ Dios ic̄ijom porque tsam tawattampa cuenta.

8 J̄ixiityaami, ittaami al tanto porque jém tánenemigo jém Woc̄ciwiñ s̄iba nocojom juuts tum

mijpic can agui pímpa. Tsam imétspa ti iciispa.

⁹ Odoy jüici iga jém Wocciwiñ micmalwatpa. Seguido cupici iga Dios wiap miyoxpát. Jodónataami iga jém icupicneyajwüip Cristo icuwüti yíp naxyucmi, iñascayapatim jeetim yaachaji juuts iññascatámpa mimichtam.

¹⁰ Da jáypa miyaachwattamta hasta que jém tanJatun Dios, jém tsampic tatoypa, iyaac miyoxpátámpa. Michiitámpa jém wibic jüxi iga da ti mitogóyáypa, iga da i wiap mictsac jém wibic anmati. Michiitámpa jém ipimi iga odoy i wiañ micmalwat iga seguido inwüwattámpa juuts ixunpa Dios. Miñwejayñeta iga miwagaittämiñ con jém tánQmi Jesucristo jut it jém wibic juctianjsoca jém dapic cuyajpa.

¹¹ Wü iga tanjüiptámiñ jém tanJatun Dios para itumpiy tiempo porque je iniit itumpiy ipimi. Amén.

Anquímyajtap jém püxiñtam

¹² Süp mancutsadáypa yíp toto con jém tantüwi Silvano. Ich anümpa iga wibic püxiñ. Da juchan manjáyáy iga mananquímpa ti wiap inwatta. Mananmadáypa iga iniittämiñ jém numapic tóyooyi jém tachiñewüip Dios. Jesic odoy tsactaami jém numapic tóyooyi.

¹³ Jém Dios ipüxiñtam, jém ityajwüip yüm jém atebet Babilonia, miccutsadáypa wätidios. Jeeyaj cupiñneyajtatim juuts mimichtam. Midioschiibatim jém Marco jém tsüñewüip juuts ich ammanic.

¹⁴ Mimichtam nadoschitamtaji con tum anñacatsuuchi juuts tum seña iga minitoytamtap. Süp mimichtam jém Cristo mimichitam.

Naittaami jém wibic jixi íñanamanjom iga odoy
ti inçintámiñ. Jemum cuyaj.

**Jém jomipic trato jém iwatnewip tánomi
Jesucristo**

New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Dec 2025 from source files dated 29 Jan 2022

da18b773-264a-519b-a8dd-012e48df725d